



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

IGREYIDI 12

ISINDEBELE ILIMI LOKUTHOMA LOKWENGEZA (FAL)

IPHEPHA LOKUTHOMA (P1)

NOVEMBA 2017

IMITLOMELO: 80

ISIKHATHI: Ama-iri ama-2

Iphepheli linamakhasi ali-12.

YELELA

1. Iphepheli LINEENGABA EZINTATHU: ISIGABA A, B, kanye NESIGABA-C.

ISIGABA A:	Ukufunda nokuzwisia	(30)
ISIGABA B:	Ukurhunyeza	(10)
ISIGABA C:	Izakhi nemithetjhwana yokusetjenziswa kwelimi	(40)

2. Phendula YOKE imibuzo.
3. Thoma isigaba ESINYE NESINYE ehasini ELITJHA.
4. Thalela ngemva kokuphendula imibuzo yesigaba ngasinye.
5. Tlola iinomboro zemibuzo njengombana zinjalo ephepheni lemibuzo.
6. Tjhiya umuda OWODWA ngemva kwaleyko naleyo pendulo.
7. Peleda amagama ngendlela efaneleko bewutlole nemitjho ezwakalako.
8. Isikhathi esiphakanyisweko sokuphendula isigaba ngasinye:

ISIGABA A:	Pheze imizuzu ema-50
ISIGABA B:	Pheze imizuzu ema-20
ISIGABA C:	Pheze imizuzu ema-50
9. Tlola kuhle ngesandla esibonakalako.

ISIGABA A: UKUFUNDA NOKUZWISISA**UMBUZO 1**

Phendula UMBUZO 1.1 KANYE NOMBUZO 1.2.

- 1.1 Funda itheksthi engenzasi bese uphendula imibuzo elandelako.

ITHEKSTHI A**KULWISANWA NOBULELESI ESEWULA AFRIKA**

- | | | |
|---|--|----------------|
| 1 | Inarha yeSewula Afrika ingenye yeenarha ezithandwa khulu ephasini mazombe. Ineendawo ezihle zokuvakatjha, ezidosa ngitjho neemvakatjhi zangaphetjheya. Umraro omkhulu inarha le eqalene nawo bulelesi. Ungaba semakhaya ubulelesi bukhona, ube sedorobheni, nemaplasini koke kuyafana. | 5 |
| 2 | Ukuya ngerhubhululo elivele amalanga la kuyavela bona kunezinto ezibonakala zingunobangela wobulelesobu. Umtlhago obhode amanzinzo obonakala keminye imizi uyalikhuphula izinga lobulelesi enarheni le. Kuyenzeka emzini munye kube nogogo nabentazana abanabentwana, boke bathembele emalini kagogo yomrholo. Abentwana esele babakhudlwana emizini enjengaleyo bagcina sele baziinlelesi ngebanga lakakatsu olala eziko. Kunabazali abanganakuliso ehle ebentwaneni, abondli, abanye nabaye emsebenzini babuya mhlana bafunako kodwana bangabeka litho etafuleni. | 10
15 |
| 3 | Indawo eyayibonakala iphephe khulu kusesikolweni kodwana kwanje iinkolo ziphenduke iindawo zeenqhemza ezilwako, wena owabona abesegwabo nabafuna kuvele bona ingwenya ngubani. Eenkolweni ejijame kuhle ngokweemali baqatjhe nabonogada. Bayasetjha nabo kodwana akhe kuvuke ipi hlangana nabafundi, uzakuzwa bathi omunye umfundi udumuze omunye urareke bona isigidi singenephi. Isehlakalo esahlahlathisela umzimba ngesenzeka ngomnyaka we-2015 lapha kwabulawa khona umfundi esikolweni iScottsdene. Ukuya ngombiko kaNgqongqotjhe wezeFundu eTjingalanga Kapa uJessica Sheller uthi: isehlakalwesi senzeka ngesikhathi sokudla begodu ukulwa lokho kwakumthelela weenqhemza zeenlelesi eziseKapa. Ukuya ngerhubhululo elenziwa yihlangano iSafer City Durban ngomnyaka we-2000 kwafunyanwa bona ukungakaphethi eenkolweni kubangelwa kukobana seziphenduke iiintolo zeendakamizwa. | 20
25
30 |
| 4 | NaboMasipala abanengi benza amaphaliswano wezemidlalo, wezobukghwari neminyanya yokuzithabisa lapha kuqalwa khona amakghono wabantu abatjha ngehloso yokubalekisa ilutjha ebulelesini. UmNyango wezokuPhepha nokuVikeleka nawo ulinga ngamandla bona uhlome iinhlangano ezizokuvikela imiphakathi. | 35 |

	ICommunity Policing Forum ngenye yazo, okuyihlangano ekukatelekileko bona ibe namapholisa namalunga womphakathi. Ihlangano le iyazinikela bona umphakathi nawubona lapha kwenzeka ubulelesi ubathinte ngokurhabako. Kuneenomboro zomrhala ezaziwa ngitjho nabentwana bekulisa ezidoselwa ubusuku nemini okghona ukubika kizo nakunobulelesi obenzekako.	40
5	Amapholisa aneemfundobandulo ezethulwa ngitjho neenkolweni imbala. Ayafundisa bona umuntu angakubalekela njani ukuba ngungazimbi wokukatwa njengokuthi nasele kuhlwile nifanele nikhambe nisiqhenyana. Awuvikeleki kuphela ekukatweni kodwana nebulelesini bokukhukhuthiswa kwabantu. Ukutlhoriswa kwabomma nabentwana nakho akukabekelwa ngeqadi. Abomma nabentwana bayafundiswa bona bangathuli nakunabantu ababathorisako. Kuneenhlangano ezibavikelako njenge <i>People Opposed to Women Abuse (POWA)</i> eyihlangano ezipameleko. Ngenyanga kaSinyikhaba amalanga nama-25 kufikela nali-10 kuNobayeni qobe mnyaka kubanqua ijima elivikela ukutlhoriswa kwabomma nabentwana i-16 Days of Activism.	45
6	Edorobheni sekusekhaya amalanga la. Kazi ngaphambilini bewugcina umbethe nejasu ukwazi ukuvikela isikhwama sakho esinemali, kwabe ilanga likhupha unomdakana ngemgodini. Nawuya emtjhinini wemali bekuba ngcono nawunomzimba ngombana ukghona ukusitha iminininingwanakho. Namhlanje ekhoneni elinye nelinye kunamapholisa. Amakhemera nawo athi ngilapha ukusiza nangabe khekwaba nesehlakalo sobulelesi.	55
7	Obunye ubulelesi obutlhogisa ubuthongo ngebokuzifumana uneenkolodo ongazaziko. Abanye bathathelwa imali ebhanga kwabe ikarada uliphethe esandleni. Kusese budisi kilobu bulelesi ukufumana isisombululo. Ngeenkathi zamaholideyi imindeni eminengi iyavakatjha. Kuqakathekile bona kutjhiywe umuntu ozokugada indlu. Abantu abakhamba bagqekeza imizi nasele babotjhiwe bayaveza bona iindaba zekhambo lomndeni bazithola emilayezweni ethunyelwa malunga womndeni kibomaliledinini.	60
8	Ufumana umndeni woke uvele ku <i>Profile picture</i> kutlolwe nomlayezo othi 'Kumnandi eDurban'. Isigebengu sithi 'Ngadla mina kababa' sibuthe koke besiswaphelise ngokupheka okuya ngethunjini. Nawumumuntu othanda ukuditjha nabangani, kuyakhuthazwa bona ungtjhiyi isiselo sakho nabanye abantu. Abantu abanengi bathunjwa eendaweni zokuzithabisa. Asisebenzisane namapholisa, silwisane nobulelesi khona sizakuhlala siphephile.	75

[Ithethwe ku-Inthanethi yatjhugululelwesa esiNdebeleni]

- 1.1.1 Tlola bona ngiwuphi umraro omkhulu inarha yeSewula Afrika eqalene nawo. (1)
- 1.1.2 Veza isizathu esenza bona inarha yeSewula Afrika ibe yinarha ethandwa khulu. Ipendulwakho ayibe liphuze ELIODWA. (1)

- 1.1.3 Ngamaphuzu AMABILI rhunyeza izinto ezihle ezenziwa nguMasipala njengomzamo wokukhandela ubulelesi. (2)
- 1.1.4 Rhunyeza uveze indima esele idlalwa mNyango wezokuPhepha nokuVikela ekulwiseni ubugebengu ngenarheni yekhethu. Veza amaphuzu AMABILI. (2)
- 1.1.5 Hlathulula iinzathu EZIMBILI ezibangela bona abantu nabavakatjhileko kusale kugqekezwa emizinabo. (2)
- 1.1.6 Ucabanga bona uyini unobangela wokobana amalunga weCommunity Policing Forum abe malunga womphakathi namapholisa? Ipendulwakho ayibe liphuzu ELILODWA. (2)
- 1.1.7 Ingabe ngikuphi ongakwenza ukuzivikela bona iinlelesi zingaboni imininingwanakho okungakabalwa etheksthini lokha nawukhupha imali emtjhinini? (2)
- 1.1.8 Khetha ipendulo enembako kilezi ezilandelako.
- Ikulumo ethi, 'wena owabona abasegwabo nabafuna kuvele bona ngubani ingwenya' ihlathulula bona ngubani:
- A Oyikutani
 - B Onamandla
 - C Osabekako
 - D Koke okungehla
- (2)
- 1.1.9 Ucabanga bona kungcono ngani ukugetjengwa imali nepahla kunokukhukhuthiswa kwabantu? Ipendulwakho ayibe liphuzu ELILODWA. (2)
- 1.1.10 Funda isitatimende esingenzasi bese uphendula ngoLIQINISOnofana MBONO. Sekela isiqunto osithathako ngephuzu ELILODWA.
- Izinga lokutlhoriswa kwabomma nabentwana liyehla qobe mnyaka ngemva kokubanjwa kwejima elibavikelako lePOWA. (2)
- 1.1.11 Ingabe ukuba khona kwamapholisa eenthabathaben zeentolo KUYASIZA ekunciphiseni izinga lobulelesinofana AKUSIZI? Sekela ipendulwakho ngephuzu ELILODWA. (2)
- 1.1.12 Ngokubona kwakho ucabanga bona ngikuphi okwenziwa bentazana okugcina kubafake engozini yokobana bathunjwe babantu? Ipendulwakho ayibe liphuzu ELILODWA. (2)
- 1.1.13 Coca ngesiyeleliso ongasipha abantu ukuze baphephe ebulelesini bokuzifumana baneenkolodo ezibathathela imali ebhanga. (2)

- 1.2 Qalisisa iinthombe ezingenzasi bese uphendula imibuzo elandelako.

ITHEKSTHI B

ISITHOMBE A



[Zithethwe ku-*The Citizen*]

ISITHOMBE B



[Zithethwe ku-*The Citizen*]

- 1.2.1 Tlola bona ngisiphi isirhatjhi esiqalwe bentwanaba. (1)
- 1.2.2 Rhunyeza ngephuzu ELILODWA okubonakala kusenziwa bentwanaba? (1)
- 1.2.3 Ucabanga bonyana yini eyenza bona abentwanaba bathabe kangaka? (2)
- 1.2.4 Coca ngomthelela omumbi ongaba khona ngento le esiyibona yenzeka esithombeni esingehelesi. Ipendulo ayibe liphuzu ELILODWA. (2)

IMITLOMELO YESIGABA A: **30**

ISIGABA B: UKURHUNYEZA**UMBUZO 2**

Fundisa itheksthi engenzasi bese uayirhunyeza ngamaphuzu ali-7 amayelana **neendlela ongakha ngazo ukuzithemba.**

IMIYALO:

1. Amagama angadluli kwama-60.
2. Nombora imitjhwakho kusukela kewoku-1 bekufike kewe-7.
3. Umutjho ngaMUNYE owutlolako awube nomqondo OWODWA.
4. Tlola ngelimi elitsengileko ngombana uzokwabelwa imitlomelo emi-3.
5. Sebenzisa amagamakho ngendlela ongakghona ngayo ungabuyeleti utole okusesirhunyezweni.
6. Tlola inani lamagama owasebenzisileko ekupheleni kwesirhunyezo.

ITHEKSTHI C**IINDLELA ONGAKHA NGAZO UKUZITHEMBA**

Ukuzithemba akusiyinto esibelethwa nayo, kodwana iindaba ezimnandi kukobana ungakwakha. Ukuzithemba akuveli ekutheni umuntu muhlenofana akanamphoso. Kuqakathekile bona uhlahlube iindlela eziimbadlwana ufumane ezelungele wena.

Ekwakheni ukuzithemba kubona ubuhle kunokubona ubumbi kuwe. Tlola irhelo lezinto ozithanda khulu ngawe nanyana zizincani. Ukwamukeleka kusenza sizizwe sihlaliseka kamnandi kodwana umraro kukuthi lokha nawuthabisa abanye iphasi elingaphakathi kuwe liyabulungwa. Lisa ukuzitshwenya ngokuthi abanye abantu bacabangani ngawe.

Kanengi siyasaba ukwenza izinto ngombana sisaba bona angekhe siphumelele. Ukulinga ukwenza izinto nanyana unevalo kuhle. Kazi idorobha iRoma azange lakkhiwe ngelanga linye. Nakungenzeka ulinge ukwenza into ikwehlule ibuyelele bewuphumelele.

Khuthalela bona uzamukele ngendlela ongayo ngombana lokho kuzokunikela isibindi sokwenza into oyifunako kungakhathaleki bonyana abanye bathini. Lokhu kungatjhugulula indlela egade ugala ngayo ipilo. Khumbula-ke ubujamo bakho bomzimba nangendlela oqaleka ngayo kunomthelela omkhulu ekuzithembeni kwakho. Umzimbakho umbathise kuhle.

Hlala hlangana nabantu abanebonelo phambili ngepilo ngombana nawujayelene nabantu ababalabalako uzokulahlekelwa kuzithemba. Amalanga la kukhuthazwa bona sizithabulule ukuze sihlale siphilile. Ziphe isikhathi sokuzithabulula ngombana kukwenza bona uzizwele bona nawe umumuntu. Ukwakha ukuzithemba kutlhoga ukuzimisela, ukukghodlhelela kanye nomdlandla, kodwana unongorwana wakhona angeze wamthengwa ngemali.

[Ithethwe ku-Inthanethi yatjhugululelwesiNdebeleni]

IMITLOMELO YESIGABA B: 10

ISIGABA C: IZAKHI NEMITHETJHWANA YOKUSETJENZISWA KWELIMI**UMBUZO 3**

Qalisa isikhango esingenzasi bese uphendula imibuzo elandelako.

ITHEKSTHI D

FUNDA NATHI *DRIVING SCHOOL*

Udinwe kutjhayeletwa matjhapha! Zitholele iincwadi zokutjhayela ngeemveke ezimbili ngentengo kathatha mi!

Rhaba uzozibonela ngombana imbila yatlhoga umsila ngokulayezela.

DRIVING SCHOOL L



IMIBANDELA

- Ubhadela inani elingange-R1000 nawuzitlolisa kokuthoma.
- Sifundisa abantu abaneminyaka eli-17 ukuya phezulu.
- Sitlolisa abaphethe incwadi yokuthoma yokutjhayela(learners)

[Sithethwe ku-www.images.com]

- 3.1 Tlola umbandela MUNYE osetjenziswe esikhangisweni esingehlesi. (1)
- 3.2 Dzubhula amagama asetjenziselwe ukudosa abathengi asesikhangiswenesi. (1)
- 3.3 Tlola KUBILI okukhombisa bona umtloli wesikhango uwalandele amaqhingga wokukhangisa. (2)
- 3.4 Khetha ipendulo engasiyo kezilandelako.

Ingabe umutjho ongenzasi uhlathulula ukuthini?

Udinwe kutjhayeletwa matjhapha.

- A Amatjhapha batjhayeli abatjhayela barhamulile.
- B Amatjhapha batjhayeli abangalandeli imithetho yendlela.
- C Amatjhapha batjhayeli abatjhayela bangacabangeli abanye abasebenzisi bendlela.
- D Amatjhapha batjhayeli abalandela yoke imithetho yendlela. (2)

- 3.5 Buyelela utlole umutjho olandelako ube sesikhathini esizako.
 Abantu abatlolisa kokuthoma babhadela i-R1 000. (2)
- 3.6 Buyelela umutjho ongenzasi bese uyawutjhugulula ube yikulomo engakanqophi.
 Umnikazi weFunda Nathi uthi, 'Mina ngitlolisa abaphethe incwadi yokuthoma yokutjhayela.' (2)
[10]

UMBUZO 4

Qalisia ikhathuni engenzasi bese uphendula imibuzo elandelako.

ITHEKSTHI E

- 4.1 Tlola igama eliphikisana naleli elithalelwko emutjhweni ongenzasi.
 Umsana uhlezi nogogo embhedeni. (1)
- 4.2 Tjhugulula umutjho olandelako ube sebunyen.
 Ipumelelo isezaandleni zakho. (2)
- 4.3 Tlola bona ibizoqarha/ibizomvango elithalelwko emtjhweni ongenzasi lakhiwe ngaziphi iinkhekhe zekulomo.
 Uyabona msanami indlela ibuzwa kwabaphambili. (2)

- 4.4 Buyelela utole umutjho olandelako bese kuthi igama elithalelweko linikele umqondo wobukhulu obudluleleko.

Bahlezi phezu kombhede ongaka.

(1)

- 4.5 Khetha ipendulo enembako kilezi ezilandelako.

Ikulumo yomsanalo ethi, kufanele ube netshele ngesikhathi esidlula ungakenzi litho ihlathulula bona:

- A Kufanele ukhambe nesikhathi.
- B Kufanele ube netshele isikhathi nasidlulako.
- C Kufanele ulilele isikhathi esidlula kungananto oyenzileko.
- D Kufanele udlale isikhathi sisese khona ngombana asikajami.

(2)

- 4.6 Thatha isaga esitholakala etheksthini engehla bese usisebenzisa emutjhweni ozakhele wona kuvele bona uyayazi ihlathululo yaso.

(2)

[10]

UMBUZO 5

- 5.1 Funda itheksthi engenzasi uyizwisise bese uphendula imibuzo elandelako.

ITHEKSTHI F

Ilitje selisila ngomunye umhlathi namhlanjesi. Amakhaya amanengi sele aphethwe bentwana ngombana ababelethi basebenza kudenofana uthola bonyana sebadlula ephasini ngonobangela wekankere, isifuba, iingazi eziphezulunofana eziphasi, itjhukela nezinye ezinengi.

Abentwana abagada amakhaya, badosa emhlweni eemfundweni zabo 5 ngonobangela wegandeleleko ababa nalo lokha nakufanele badlale indima yokuba ngummanofana ngubaba ngekhaya.

Omunye umsebenzi uyasalela njengombana kusitjhiwo bona iinyoni ezimbili angeze wazibetha ngelitje elilodwa. Abanye bagcina babongazimbi bokutlhoriswa ngokomsemenofana bazithengise kibobaba abadala. 10 Ngemva kwamalangana uthole sebazithwelenofana bathole amalwele athathelana ngokomseme nangasalaphekiko.

- 5.1.1 Tlolabi zibuthelela esikhundleni samagama athalelweko emutjhweni ongenzasi.

Ababelethi sebadlula ephasini ngonobangela wekankere, isifuba, iingazi eziphezulunofana eziphasi netjhukela.

(1)

- 5.1.2 Buyelela umutjho ongenzasi kuthi egameni elithalelweko utole isinciphiso.

Amakhaya amanengi sele aphethwe bentwana.

(1)

- 5.1.3 Emutjhweni olandelako khupha isithomo nesiqu sebizo elithalelweko.
Ilitje selisila ngomunye umhlathi. (2)
- 5.1.4 Buyelela utlole umutjho olandelako kodwana uthome ngegama elithalelweko.
Ilitje libethe iinyoni ezimbili. (2)
- 5.1.5 Buyelela utlole umutjho olandelako bese esikhundleni samagama athalelweko utlole izabizwana zamambala.
Abentwana bagada amakhaya. (2)
- 5.1.6 Sebebenzisa isihlanganiso esifaneleko ukuhlanganisa imitjho engenzasi.
 Abentwana badosa emhlweni eemfundweni zabo. Abentwana banegandelelo lomkhumbulo. (1)
- 5.1.7 Tlola ipambosi emunyethwe mumutjho lo ongenzasi.
 Amakhaya amanengi sele aphethwe bentwana. (1)
- 5.1.8 Khetha ipendulo enembako kilezi ezilandelako.
 Ikulumo ethi, 'ilitje selisila ngomunye umhlathi' ihlathulula bona:
 A Ilitje lineensila.
 B Izinto sezatjhuguluka.
 C Izinto zikhamba kancani.
 D Umhlathi usila ukudla. (2)
- 5.1.9 Thatha isitjho esitholakala etheksthini engehla le usisebenzise emutjhweni ozakhele wona kuvele bona uyayazi ihlathululo yaso. (2)

5.2 Qalisisa isithombe esingenzasi bese uphendula imibuzo elandelako.

ITHEKSTHI G

Qobe yinyanga katjhirhweni ngithoga nepeni enzima.



Kungombana utjhaphulula woke amafindo kwangathi awazi bona kufanele wonge.

[Sithethwe ku-www.images.com]

5.2.1 Tlola bona igama elithalelwoko emutjhweni ongenzasi lo libolekwe kiliphi ilimi.

Ngitlhoga nepeni enzima godu. (1)

5.2.2 Ngokuyeleta imithetho yokutlolwa nokupeleda kwamagama, buyelela utlole umutjho olandelako kuthi egameni elithalelwoko ultitlole ngendalela efaneleko.

Ngihlala ngitlhoga nepeni njalo enyangeni katjhirhweni. (1)

5.2.3 Buyelela utlole umutjho ongenzasi bese ulungisa izakhi ezithalelwoko ukuze ufundeke kuhle.

Indoda bakhipele ngaphandle iinkhwama sayo. (2)

5.2.4 Igama elithi inyanga lineenhathululo ezinengi. Thatha igameli utlole ngalo imitjho EMIBILI kuvele iinhathululo ezihlukileko kile engehla.

(2)

[20]

IMITLOMELO YESIGABA C: 40
INANI LOKE: 80